



64

**ХЭНТИЙ АЙМГИЙН ДЭЛГЭРХААН СУМЫН
ЭРҮҮЛ МЭНДИЙН ТӨВИЙН ЭРХЛЭГЧИЙН
ТУШААЛ**

2022 оны 12 сарын 28 өдөр

Дугаар 4/38

Дэлгэрхаан сум

ЖУРАМ БАТЛАХ ТУХАЙ

Монгол Улсын Засаг захиргаа нутаг дэвсгэр, түүний удирдлагын тухай хуулийн 67 дугаар зүйлийн 67.5 дах хэсэг, Эрүүл мэндийн тухай хууль 13 дугаар зүйл 13.4.1 дэх заалт, Эмнэлгийн тусламжийн тухай хуулийн 4.1.2 дахь заалт, MNS4621:2008 Оношилгоо эмчилгээний гардан үйлдлийн стандарт, ЭМС-ын 2019 оны А/537 тоот тушаал, ЭМС-ын 2019 оны А/505 тоот тушаал, ЭМС-ын 2019 оны А/406 тоот тушаал, ЭМСайдын 2013 оны А/177 тоот тушаалыг тус тус үндэслэн ТУШААХ нь:


1.Мэс заслын тусламж үйлчилгээний журам"-ыг нэгдүгээр хавсралтаар, "Сумын эрүүл мэндийн төвд амбулаторт хийгдэх мэс ажилбарын жагсаалт"-ыг хоёрдугаар хавсралтаар, "Амбулаторт хийгдэх мэс ажилбарын хяналтын хуудас хөтлөх журам"-ыг гуравдугаар хавсралтаар, "Амбулаторт хийгдэх мэс ажилбарын хяналтын хуудас"-ыг дөрөвдүгээр хавсралтаар, "Сэрээх өрөөний журам, сэрээх өрөөнд байх тоног төхөөрөмжийн жагсаалт"-ыг тавдугаар хавсралтаар, "Мэс заслын өмнө өвчтөнг шалгах хуудас"-ыг зургаадугаар хавсралтаар, "Амбулаторын мэс ажилбарт хэрэглэгдэх зүйлс"-ийг долдугаар хавсралтаар тус тус баталсугай.

2.Энэхүү журмыг эмнэлгийн тусламж, үйлчилгээ үзүүлж буй эмч, мэргэжилтэнгүүдэд танилцуулахыг ЭМТҮЧАБ багийн дарга (Г.Анх-өрнөх)-т,

3.Журмыг мөрдөж ажиллахыг эмч, эмнэлгийн ажилтнуудад тус тус үүрэг болгосугай.

4.Энэхүү журмын хэрэгжилтэнд хяналт тавьж ажиллахыг ЭМТҮЧАБ багийн ахлагч (Г.Анх-өрнөх)-т үүрэг болгосугай.

ЭРХЛЭГЧ



О.БАТБАЯР

МЭС ЗАСЛЫН ТУСЛАМЖ ҮЙЛЧИЛГЭЭНИЙ ЖУРАМ

НЭГ. ЗОРИЛГО, ХАМРАХ ХҮРЭЭ, ХЭРЭГЛЭГЧ

1.1 Энэхүү журмын зорилго нь Сумын ЭМТөвийн Мэс заслын тусламж үйлчилгээний хэвийн ажиллах нөхцөл, халдвар хамгаалал, бэлэн байдлыг хангах

1.2 Мэс заслын тусламж үйлчилгээг эмчлүүлэгчдэд тэгш хүртээмжтэй, хүнлэг энэрэнгүй, аюулгүй хүргэж сумын ЭМТөвд давтан мэс засал, мэс заслын дараах хоёрдогч хүндрэлийг бууруулах

1.3 Эмч эмнэлгийн мэргэжилтний ажил үүргийг оновчтой зохион байгуулах, сахилга, дэг журам ,Аймгийн нэгдсэн эмнэлгийн хамтын ажиллагаа, уялдаа холбоог сайжруулахад тус тус оршино

ХОЁР. ХАМРАХ ХҮРЭЭ, ХЭРЭГЛЭГЧ

2.1 Энэхүү мэс заслын тусламж үйлчилгээний журмыг аймгийн нэгдсэн эмнэлгийн алсын дуудлагаар ирсэн хагалгааны багийнхан , сумын ЭМТөвийн эмч ,эмнэлгийн ажилчид дагаж мөрдөнө.

ГУРАВ: МЭС ЗАСЛЫН ТУСЛАМЖ ҮЙЛЧИЛГЭЭНД БАРИМТЛАХ НИЙТЛЭГ ЗАРЧИМ

3.1 Мэс заслын тусламж үйлчилгээг хүнлэг энэрэнгүй, аюулгүй, хугацаа алдалгүй хүргэх

3.2 Мэс заслын тусламж үйлчилгээг эмчлүүлэгчийн эрэлтэд нийцсэн батлагдсан стандарт хэм хэмжээний хүрээнд хүргэх

3.3 Орчин үеийн анагаах ухааны нотолгоот дэвшилтэт арга, шинэ технологийг тусламж үйлчилгээндээ тасралтгүй нэвтрүүлнэ

3.4 Эмчлүүлэгч , түүний гэр бүлийн оролцоог дэмжсэн тусламж үзүүлж тэдний аюулгүй байдал, эрх ашиг, зан заншлыг хүндэтгэж, нууцыг хадгална.

3.5 Давтан мэс засал, мэс заслын дараах хүндрэлээс сэргийлэх тусламж үйлчилгээний тасралтгүй байдлыг хангаж ажиллана.

3.6 Хөдөлмөрийн аюулгүй байдал, халдварын сэргийлэлт хяналт зааврыг мөрдөнө

ДӨРӨВ. МЭС ЗАСЛЫН ТУСЛАМЖ ҮЙЛЧИЛГЭЭНД ОРОЛЦОХ МЭРГЭЖИЛТНИЙ ҮҮРЭГ ХАРИУЦЛАГА

4.1 Мэс заслын эмчийн үүрэг, хариуцлага

- Аймгийн нэгдсэн эмнэлгээс томилогдон хагалгааны алсын дуудлагын багийг ахлагч эмч сумын ЭМТөвд эмчлүүлэгчийг мэс засалд орохоос өмнө хагалгааны тактикийг боловсруулна
- Туслах эмч нарт хагалгааны төлөвлөгөөг танилцуулж мэдээллийг нэгтгэнэ.
- Хагалгааны өмнө эмчлэгч эмч мэс заслын хийх тал, хийх зүслэгийг арилдаггүй харандаагаар эмчлүүлэгчийн биеийн хэсэгт тэмдэглэнэ.
- Мэс заслын өрөөнд өвчний түүхэнд шаардлагатай шинжилгээний хариуг хавсаргана
- Хагалгааны үед гарч болох хүндрэлийг тооцож, шаардлагатай тоног төхөөрөмж багаж , эм хэрэгслийн бэлэн байдлыг хангуулна.
- Хагалгаанд оператор эмчээр орж байгаа үед мэс заслын багийг удирдана.
- Эмчлүүлэгчийг хагалгааны ширээн дээр зөв байрлуулах, ивээс бэхэлгээг аюулгүй зөв хийсэн байдалд хяналт тавьж, шалгана.
- Хагалгаанд хэрэглэгдэх багаж хэрэгсэл, тоног төхөөрөмжийн /дуран, коагуляци, отсос г.м / байрлуулалт, хэвийн ажиллагаанд хяналт тавина.
- Хагалгааны үед төлөвлөсөн тактик өөрчлөгдөх, өвчтөн хүндэрсэн тохиолдолд багаараа хэлэлцэж, нэмэлт шинжилгээ авах, зөвлөх эмчээс утсаар зөвөлгөө авах г.м асуудалд шийдвэр гаргана.
- Хагалгааны дараах эмчилгээний бүх асуудлыг сумын ЭМТөвийн эмчлэгч эмчид тайлбарлаж хариуцуулж өгөх
- Хагалгааны тэмдэглэлийг өвчний түүхэнд бичнэ.

- Хагалгааны дараа эмчлүүлэгч хүнд үед эрчимт эмчилгээний тасагт шилжүүлэх болон эмчилгээний талаар эмчлэгч эмч болон сумын эрхлэгчтэй ярилцаж шийдвэрлэнэ.
- Эрчимт эмчилгээнд орох болсон заалтыг өвчний түүхэнд тусгана.
- Мэс заслын дараа эмчлүүлэгч болон ар гэрт мэс заслын явц үр дүн талаар мэдээлэл өгнө.

4.2 Мэдээгүйжүүлгийн эмчийн үүрэг хариуцлага:

- Эмчлүүлэгчийг бүрэн үзлэг хийж өвчний түүхийг хөтлөж баримтжуулна.
- Шаардлагатай шинжилгээ, нэмэлт ажилбарыг төлөвлөж гүйцэтгэнэ.
- Эмчлүүлэгчийг амьсгал, цус эргэлтийн байдлыг 10 минут тутамд үнэлж дүгнэнэ.
- Эмчлүүлэгчийн эмчилгээг хянан сувилагчид зааварчилгаа өгч удирдан ажиллана.
- Халдвар хамгааллын дэглэмийг чанд баримтлан, сувилагч, туслах сувилагч нарт хяналт тавьж ажиллана.
- Эмчлүүлэгч, түүний гэр бүлийнхэнд мэдээгүйжүүлэгтэй холбоотой мэдээллийг өгнө.
- Мэдээгүйжүүлэгтэй холбоотой хяналтын хуудас, маягтыг бүрэн хөтлөнө.
- Хагалгааны үед төлөвлөсөн тактик өөрчлөгдөх, өвчтөн хүндэрсэн тохиолдолд багаараа хэлэлцэж, нэмэлт шинжилгээ авах, зөвлөх эмчийн зөвлөгөө авах г.м асуудалд шийдвэр гаргана.
- Хагалгааны тэмдэглэлийг өвчний түүхэнд бичнэ.

4.3 Сумын ЭМТөвийн жижүүр эмчийн үүрэг хариуцлага:

- Яаралтай мэс засал шаардлагатай эмчлүүлэгчийн шинжилгээг бүрдүүлэн тасагт хэвтүүлнэ.
- Яаралтай мэс засал хийгдэх өвчтөнг АНЭмнэлгийн холбогдох нарийн мэргэжлийн эмчээс зөвлөгөө авч АНЭмнэлгийн орлогч даргад танилцуулж хагалгааны баг дуудах
- Шаардлагатай тохиолдолд эмч нарын хамтарсан үзлэгийг хийнэ .
- Халдвар хамгааллын дэглэмийг чанд баримтлан, сувилагч, туслах сувилагч нарт хяналт тавьж ажиллана.
- Эмчлүүлэгчид ЭТҮХХ шинж тэмдгийг тандан ,шаардлагатай хариу арга хэмжээ авна.
- Жижүүрийн хугацаанд эмчлүүлэгч, түүний гэр бүлийнхэнд эмчилгээ үйлчилгээтэй холбоотой мэдээллийг өгнө.

4.4 Мэдээгүйжүүлгийн сувилагчийн үүрэг, хариуцлага:

- Мэдээгүйжүүлгийн аппарат тоног төхөөрөмжийн хэвийн үйл ажиллагааг шалган, хяналтын хуудсыг бүртгэж, мэдээгүйжүүлгийн эмчид бүрэн эсэхийг илтгэнэ.
- Эм тарианы бэлэн байдлыг стандартын дагуу бэлтгэнэ.
- Мэс заслын хүрээ хагалгааны хүлээгдэх хүндрэлээс хамааран найдвартай 2 оос доошгүй судсанд уян зүү байрлуулан бэхлэнэ.
- Хяналтын хуудсыг нэрээр мэдээгүйжүүлгийн сувилагч бүртгэнэ.
- Мэдээгүйжүүлгийн сувилагчийн хагалгаанд гүйцэтгэх стандартыг мөрдлөг болгон ажиллана.
- Монитор болон мэдээгүйжүүлэх машины аюулгүй ажиллагааг хянах
- Халдвар хамгааллын дэглэмийг нарийн баримтлана.
- Хог хаягдлыг ангилан цуглуулна
- Мэс заслын дараа аппарат тоног төхөөрөмжийг цэвэрлэж, хүчилтөрөгчийн нээлтийг хаана.
- Анхан шатны бичиг баримтыг хөтлөн баталгаажуулна.

4.5 Мэс заслын сувилагчийн үүрэг, хариуцлага

- Хагалгааны өмнө мэс заслын эмчид тухайн хагалгаанд бэлтгэсэн тусгай багаж төхөөрөмж, дутагдалтай зүйлсийг танилцуулна.

- Мэс засалд хэрэглэгдэх багаж, нарийн төвөгтэй мэс ажилбарын багажуудыг нэмэлтээр бэлтгэсэн байх /уушигны самбар, Т-гуурс, үдэгч аппаратуудыг цэнэглэх, цус тогтоогч губка, хамрын чихээс, гипс, чиг, утас, дурангийн хэрэгслүүд/
- Хагалгаанд хэрэглэгдэх бор материал, цагаан материал болон дахин хэрэглэгдэх зүйлсийг ариутгалын тасгаас авч, бэлтгэсэн байна.
- Гистологи болон бактериологи шинжилгээ авагдах, эмчлүүлэгчийн нэр бүхий сав бэлтгэсэн байна.
- Хагалгаанд хэрэглэсэн багаж материалыг халдваргүйжүүлж, уусмалд хийн битүүмжилж төвлөрсөн ариутгалд хүргэнэ.

Мэс заслын дараах өрөөний цэвэрлэгээ халдваргүйтгэл агааржуулалтанд хяналт тавин бэлэн байдлыг хангуулна

- Эмчийн зааврын дагуу гистологийн эдийг шалгаж, тусгай зориулалтын саванд хийж, өвчтөний овог нэр, нас, тасгийн нэрийг савны гадна нааж дагавар бичгийг эмчээр бичүүлэн авна.
- Хагалгаанд хэрэглэсэн материалын зарлагын хуудсыг бүртгэж, туслах эмчээр гарын үсэг зуруулна.
- Туслах сувилагч болон үйлчлэгчийн үйл ажиллагаанд хяналт тавина
- Мэс заслын сувилагчийн хяналтын хуудсыг бүрэн хөтлөж баталгаажуулна.

4.8 Жижүүрийн сувилагчийн хүлээх үүрэг, хариуцлага:

- Сувилахуйн тусламж, үйлчилгээг холбогдох журам стандартын дагуу чанартай шуурхай үзүүлнэ.
- Эмчлүүлэгчийг бие болоод сэтгэлзүйг мэс засалд бэлтгэнэ.
- Мэс заслын эмч, мэдээгүйжүүлэгч эмчийн заавар зөвлөгөөг бүрэн биелүүлнэ.
- Цэвэрлэх клизм, хоол сойх, үс хусах, хүүхэн хараа өргөсгөх, тайван амрах, унтуулах гэх мэтийн үйл ажиллагааг эмчийн зааврын дагуу гүйцэтгэнэ. \
- Мэс заслын хэсэгрүү эмчлүүлэгчийг бэлтгэн зөөнө.
- Эмчлүүлэгийн хувцас хөнжил гэх мэт эд зүйлсийг мэс заслын хэсэгрүү зөөвөрлөнө.
- Хагалгааны өрөөнөөс эмчлүүлэгчийг тасагтаа хүлээн авна.
- Эмчийн зааврын дагуу мэс заслын дараах хяналт, эмчилгээ үйлчилгээг цаг алдалгүй гүйцэтгэнэ.
- Эмчлүүлэгчийг сонсож зовуурь шаналгааг эмчлэгч эмч болон жижүүр эмчид мэдээлж баталгаажуулна.

4.9 Үйлчлэгчийн үүрэг, хариуцлага:

- Хагалгаа эхлэхээс 30 минутын өмнө халдваргүйтгэлийн бодис бүхий чийгтэй цэвэрлэгээ хийнэ.
- Хагалгааны явц дунд цус, биеийн шингэн болсон шал, гадаргууг халдваргүйтгэлийн бодис бүхий алчуураар арчиж цэвэрлэнэ.
- Эмч, сувилагч нарын удирдлагаар шаардлагатай ажлыг гүйцэтгэнэ.
- Хагалгааны явцын цэвэрлэгээг чанартай хийнэ.

ТАВ. Эмчлүүлэгчийг яаралтай мэс засалд оруулах

5.1 Яаралтай мэс засал шаардлагатай эмчлүүлэгчийн тасагт хэвтүүлнэ.

5.2 Яаралтай мэс засал хийгдэх өвчтөнг АНЭМнэлгийн холбогдох нарийн мэргэжлийн эмчид танилцуулж зөвлөгөө авч АНЭМнэлгийн орлогч даргад танилцуулж, хагалгааны баг дуудах

5.3 Яаралтай мэс засал хийлгэх өвчтөний шинжилгээг жижүүр сувилагч авна.

5.4 Яаралтай ерөнхий мэдээ алдуулалттай мэс засалд орох үед хийх шинжилгээ

- Цусны ерөнхий шинжилгээ
- Биохимийн шинжилгээ / алат, асат, сахар, креатинин, мочевин\
- В, С вирусын маркер
- ДОХ, ТРНА

- Зүрхний цахилгаан бичлэг
- Эхо
- Цусны бүлэг тодорхойлох
- Бусад шаардлагатай шинжилгээнүүд

ЗУРГАА: Мэс засал эмчилгээ хийлгэх гэж байгаа үйлчлүүлэгчийг мэс засалд бэлтгэх

6.1 Мөн эмчлэгч эмч тухайн өдөр баримтлах дэглэм, өөрийгөө мэс засалд бэлтгэх талаар дэлгэрэнгүй мэдээлэл эмчлүүлэгчид өгнө.

6.2 Мэдээгүйжүүлгийн эмч эмчлүүлэгчийг үзэж биеийн байдлыг үнэлэн мэдээгүйжүүлгийн явцад гарч болзошгүй эрсдэлт хүчин зүйлсийг тайлбарлан урьдчилан сэргийлж бэлтгэх зүйлсийг танилцуулна.

6.3 Тухайн ээлжийн сувилагч, жижүүр эмч эмчлүүлэгийн бие болоод сэтгэлзүйн бэлтгэлийг хангана .

6.4 Шаардлагатай тохиолдолд цэвэрлэх клизм тавих, мэс заслын талбайг бэлтгэх

- Хоол сойх
- Мэс заслын хэсэгрүү орохдоо өмсөх хувцасны төрөл зөвлөх
- Сэтгэлзүйг тогтворжуулах
- Зөвлөгөө өгөх

ДОЛОО: Мэс заслын өрөөнд орохын өмнө мэс заслын багийнхан дараах үйл ажиллагааг хийнэ

7.1 Мэс заслын тусламж үйлчилгээний журам” зааварчилгаатай танилцсан байна.

7.2 Тоног төхөөрөмжийн аюулгүй ажиллагааны болон технологийн зааварчилгаатай танилцаж, судалж мэдсэн байна.

7.3 Хагалгаанд орж байгаа багийн гишүүд хагалгааны төлөвлөгөөтэй танилцаж, хийгдэх мэс заслын талаар бүрэн ойлгоцтой болсон байна.

7.4 Эмч, ажилчид зориулалтын өмд, цамц, углааш, малгай, маск сольж өмсөх бөгөөд хагалгааны хэсгийн хяналтын сувилагчийн шаардлагыг биелүүлж, халдвар хамгааллын дэглэмийг чанд баримтлана.

7.5 Мэс заслын болон мэдээгүйжүүлгийн эмч нар зөвшөөрөлгүйгээр гадны хүмүүс дагуулж орохыг хориглоно.

7.6 .Хагалгааны хэсгийн талбай, агааржуулалт, хүний тоог эрүүл ахуйн дүрэм, халдвар хамгааллыг зөрчихгүйгээр тооцно.

7.7 Аюулгүйн хяналтын хуудсыг мэс заслын болон мэдээгүйжүүлгийн багийнхан зааварчилгааны дагуу хөтөлнө

НАЙМ: Мэс заслын тусламж үзүүлэхэд ЭТҮХХ-аас сэргийлэх үйл ажиллагаа

8.1 Мэс заслын өрөөнд бусад ажилчид шаардлагатай тохиолдолд орох

8.1.1 Хагалгааны хэсэгт үйлчилгээний ажилчид орох

- Инженер, сантехникийн слесарь, цахилгаанчид хагалгааны хэсэгт орохын өмнө зориулалтын хувцасыг өмсөнө.
- Шаардлагатай багаж хэрэгсэлийг урьдчилан бэлтгэж ирнэ.

8.2 Халдвараас сэргийлэлт хяналт

8.2.1 Бүх ажилтнууд ЭТҮХХалдвараас сэргийлэх

8.2.2 Гарыг халдваргүйжүүлэх аргыг эрүүл мэндийн бүх ажилчид зааврын дагуу халдваргүйжүүлнэ

8.3 Эмчлүүлэгчийн өрөөнд орохын өмнө нэг удаагийн хамгаалах хувцас өмсөх ба гарахдаа тайлна.

8.4 Амны хаалт, нүүрний хамгаалалт, нүдний шил

- Мэс заслын амны хаалтыг эмнэлгийн бүх ажилтан, 2 цаг тутамд сольж тогтмол зүүнэ
- Нүдний шил, нүүрний хаалтыг асгарсан цацагдсан биологийн шингэнийг цэвэрлэх, өвчтний биеийн хэсэгчилсэн угаалга хийх, хагалгааны явцад соруулсан шингэн, өтгөн шингэнийг ОО- д асгах зэрэгт заавал хэрэглэнэ.

8.5 Урсгалын хяналт

8.5.1 Тасагт нэвтрэх хүмүүсийн хөдөлгөөнийг бага байлгана.

8.5.2 Мэс заслын дараа сахиур шардлагатай тохиолдолд сахиур бүрэн хувцасаа сольсон, гарч орохгүй солигдохгүй байх шаардлага тавина.

8.6 Амбулаторийн болон өдрийн зарим мэс ажилбарын үед хэрэгжүүлэх үйл ажиллагаа

8.6.1 Ажилбар хийгдэж байгаа бүх тохиолдолд асептик дүрмийг баримтална

8.6.2 Гарыг мэс заслын гар угаах техникийн угааж, халдваргүйтгэнэ.

8.6.1 Хийгдэж байгаа ажилбарын талбайн хэмжээ хүрцээс хамаарч ариун хамгаалалт: халат, маск, малгай, ариун бээлий, ариун тусгаарлах хаалт хэрэглэнэ.

8.6.2 70%-ийн спирт, тамедин 0.7%, 2,5%, 7,5%, хлоргексидины 2,5% уусмаар арьсыг арчиж ажилбарын талбайг халдваргүйтгэнэ.

8.6.3 Ажилбарыг гүйцэтгэж буй хүн хурц үзүүртэй бүх зүйлийг аюулгүй хайрцагт хаяж хэвшсэн байна (зүү, хутганы ир зэрэг).

8.6.3 Ажилбар бүрт нэг ариун цомог задалж ажилбарыг дуусгана.

8.7 Мэс заслын тусламж үйлчилгээ үзүүлдэг нэгжид цэвэрлэгээ хийх

- ЭМСын 2019 оны 537 тоот тушаалын 6 дугаар хавсралтын дагуу халдварын өндөр эрсдэлтэй бүсэд хамаарах ба цэвэрлэгээг өдөрт гурваас доошгүй удаа хийж бүртгэл хөтлөж баримтжуулсан байна.
- Хагалгаа эхлэхээс 30 минутын өмнө халдваргүйтгэлийн бодис бүхий чийгтэй цэвэрлэгээ хийж, кварцын лампыг ажиллуулна.
- Хагалгаа хооронд агаарыг 3%-ын перкисийн уусмалаар шүршиж ариутгана.
- Хагалгааны дараа зөөврийн агаар шүүгч аппаратыг зааврын дагуу ажиллуулна.
- Хог хаягдал, бохирдсон даавуу материалыг гарсан тухай бүрд нь зориулалтын саванд хийнэ.
- Хог хаягдлыг уут болон аюулгүй хайрцагт хийж битүүмжлэн хаяг тавьж устгалд шилжүүлнэ.
- Их цэвэрлэгээ хийхдээ холбогдох тушаал, зааврын дагуу долоо хоног бүр нэг удаа хагалгааны бүх өрөөг суллаж хийх ба тоног төхөөрөмжийн засвар, эд юмсын халдваргүйтгэл, агаарын ариутгал хийнэ.
- Бохир хагалгаа орсон тохиолдол бүрд агаарын ариутгал хийнэ

8.8 ХДХВ -тэй болон эрсдэлтэй халдвартай эмчлүүлэгч хагалгаанд орох үед баримтлах зарчим

8.8.1 ХДХВ-ийн халдвартай үйлчлүүлэгч ирсэн тохиолдолд жижүүрийн эмч нь ЭМТ-ийн дарга болон хагалгааны багийнханд мэдэгдэнэ

8.8.2 Хагалгааны багийнхан ХДХВ -тэй эмчлүүлэгчийн эрхийг хүндэтгэн харьцах ба нууцыг чандлан хадгална.

8.8.3 ХДХВ -тэй өвчтөнд хагалгаа хийх нэг удаагийн хэрэгслийн хангалт, сэлбэлтийг ахлах сувилагч хариуцна.

8.8.4 ХДХВ-тэй болон эрсдэлтэй халдвартай эмчлүүлэгчид хагалгаа хийж дууссаны дараа халдваргүйтгэлийг онцгойлон гүйцэтгэж, цэвэрлэгээг хийнэ

8.8.5 ХДХВ -ийн халдвартай өвчтөнд тусламж, үйлчилгээ үзүүлсэн тухай протоколийг тухайн эмчлэгч эмч хөтлөх ба хяналт тавьж ажилласан илтгэх хуудсыг хөтөлж ЭМГ-ын Халдварт өвчин хариуцсан мэргэжилтэнд мэдээлнэ.

8.8.6 Хог хаягдлыг ангилан устгах ЭМС-ын 2017 оны 505 тоот тушаалын дагуу ангилан ялгаж түр хадгалах цэгт төвлөрүүлнэ.

ЁС: Аюулгүй орчныг бүрдүүлэх

9.1 Анхаарах зүйл

9.1.1 Хагалгаа дуусаагүй нөхцөлд зориулалтын хувцастай эргэж гарахгүй байх

9.1.2 Мэс заслын өрөөнд зөвшөөрөл олгогдоогүй хүмүүс орохыг хориглоно.

9.1.3 Бүх ажилбарын явцад өрөөний хаалганууд хаалттай байна.

9.1.4 Мэс заслын үед цус болон биеийн бусад шингэнээр хэт бохирлогдсон даавуу, халат, бээлийг тохиолдол бүрт солино.

9.1.5 Хагалгаанд орох, гарах тохиолдол бүрт эмчлүүлэгчид цэвэр даавуу хэрэглэнэ.

9.2 Гал гарсан тохиолдолд

9.2.1 Галын хор хүрэлцээт хэмжээгээр хагалгааны блок бүрт 2 ш байх зориулалтын тавиурт байрлуулсан байна.

9.2.2 Өдрийн цагаар гал гарсан тохиолдолд ажилтнууд болон байгууллагын удирдлагад яаралтай мэдэгдэнэ.

9.2.3 Хагалгаа явагдаж байгаа тохиолдолд гал гарвал эмчлүүлэгчийг яаралтай гаргаж, гал унтраах арга хэмжээг авна.

9.2.4 Шаардлагатай үед галын хорыг зааврын дагуу ажиллуулах чадварыг бүх ажилчиддад сургасан байна.

9.3 Цахилгаан тасарсан тохиолдолд

9.3.1 Цахилгаан тасарсан үед жижүүр сувилагч слесрыт мэдэгдэн, шалтгааныг тодруулж, саатлыг арилгуулах арга хэмжээ авна.

9.3.2 Хагалгааны өрөөнд цахилгаан үүсгэврийг / KEMAGE-KM4000 мотор / бэлэн байлгаж саадгүй ажиллуулах техникийн байдлыг слесерь ажилтан хариуцна.

9.3.3 Эмнэлгийн ажилчид цахилгаан үүсгэврийг ажиллуулах арга барилд суралцсан байна.

9.3.4 KEMAGE-KM4000 моторын хэрэгцээний шатахуун тослох материалыг нөөцлөж, тусгай сав, байранд хадгална.

9.3.5 Цахилгаан үүсгэвэр мотор байгаа өрөөний түлхүүрийг жижүүрийн ажилчдад байнгын бэлэн байлгана.

9.3.6 Цахилгаан тасарсан үед KEMAGE-KM4000 моторыг, аюулгүй ажиллагааны зааврын дагуу ажиллуулна.

9.3.7 KEMAGE-KM4000 моторын аюулгүй ажиллагааны заавар, ажиллуулах журам, тасгийн ажилчдыг сургах асуудлыг слесерь хариуцан хийнэ.

9.4 Тоног төхөөрөмж эвдэрсэн тохиолдолд

9.4.1 Хуучирсан, тусламжаар ирсэн аппаратны ашиглалтын хугацаа, үйл ажиллагааны эрсдэл зэргийг мэргэжлийн инженерээр үнэлүүлж, гэмтлийг тогтооно.

9.4.2 Хугацаа нь дуусаагүй шинэ тоног төхөөрөмжийг гэмтээж, эвдсэн тохиолдолд техникийн комисс томилон, үнэлгээ хийлгэн, буруутай этгээдэд хариуцлага тооцно.

9.4.3 Аппарат тоног төхөөрөмжийн аюулгүй байдал, эвдрэл гэмтэл гарсан тохиолдолд хагалгаанд хэрэглэж болохгүй шийдвэрийг хариуцсан ажилтан гаргаж, удирдах албан тушаалтанд мэдээлнэ.

АРАВ. Ажлын байрны ёс зүй

10.1 Хагалгаанд орж буй багийнхан эмнэлгийн мэргэжилтний ёс зүйг чандлан сахиж, байгууллагын ёс зүйн болон дотоод журмын дагуу үйл ажиллагаагаа явуулна.

10.2 Хагалгааны багийнхан эмчлүүлэгчийн дэргэд маргалдах, чанга ярихийг хориглоно. Зөрөлдөөнтэй асуудал гарвал аль болохоор эв зүйгээр шийдэхийг оролдох бөгөөд боломжгүй тохиолдолд холбогдох хүмүүст мэдээлнэ.

10.3 Ажлын байрны ёс зүйг эрхэмлэн, гаж, этгээд үг хэллэг хэрэглэхгүй байх.

10.4 Бие биенээ гутаан доромжилсон үгээр дайрах, эсвэл хэт найрсаг харилцаа гаргахыг хориглоно.

10.5 Ажлын байрыг шалтгаангүйгээр орхиж явахыг хориглоно. Зайлшгүй тохиолдолд мэс заслын багийнханд мэдэгдэнэ.

10.6 Хагалгаа хийгдэж байхад гар утас хэрэглэхгүй байх.

10.7 Хагалгааны үр дүнгийн талаар хагалгаа дууссаны дараа зөвхөн оператор эмч үйлчлүүлэгчийн ар гэрийхэнд мэдээлэл өгнө.

10.8 Үйлчлүүлэгчийн болон оператор эмчийн зөвшөөрлөөр ар гэрийхэнд хагалгааны эдийг /эд, эрхтэнийг/ үзүүлж танилцуулна.

АРВАН НЭГ . Мэс заслын тасагт гадны хүн нэвтрэх журам /хүнд өвчтөний ар гэрийхэн, цагдаагийн ажилтан/

11.1 ЭМТөвийн дарга , эмчлэгч эмчийн зөвшөөрлөөр тасгийн хэвтэн эмчлүүлэгчийн өрөөнд орохыг зөвшөөрнө.

11.2 Гадны хүн нэвтрэхэд халдвар хамгааллыг тасгийн жижүүрийн үйлчлэгч хариуцна. 11.3 Гадуур хувцасыг тайлж, цэвэр, шороо тоосгүй хувцастай байна

11.4 Эмнэлгийн зориудын нөмрөг, малгай, углааш өмсөнө.

11.5 Маш хүнд өвчтөний өрөөнд ар гэрээс 2-3 хүн байлгахыг зөвшөөрөх ба бусад өвчтөний тайван байдлыг алдагдуулахгүй байх, хагалгаатай хэсгийн шаардлагын дагуу хувцас солих, эмнэлгийн зориудын нөмрөг, малгай, углааш өмсөнө.

АРВАН ХОЁР. Журам зөрчсөн тохиолдолд авах арга хэмжээ

12.1 Энэхүү журам зөрчсөн буруутай этгээдийг гарсан зөрчил, хохирлын байдлаас шалтгаалан хөдөлмөрийн хууль, байгууллагын дотоод журам, холбогдох хууль тогтоомжийн дагуу арга хэмжээ авна.

Эрхлэгчийн.... оны... сарын ... өдрийн
..... тоот тушаалын..... хавсралт

СУМЫН ЭМТӨВД АМБУЛАТОРТ ХИЙХ МЭС АЖИЛБАРЫН ЖАГСААЛТ

1. Хэвлийн хөндийг хатгах
2. Хэвлийн шингэн авах
3. Цээжний хөндийд хатгалт хийх
4. Үений хөндийн хатгалт хийх
5. Хатиг буглааг нээх
6. Давсганд хатгалт хийх
7. Хөхний өнгөц байрлалтай буглаа нээх
8. Гөгий нээх
9. Шигдэж ургасан хумс авах
10. Үнхэлцэг хальсанд хатгалт хийх

Эрхлэгчийн.... оны... сарын ... өдрийн
..... тоот тушаалын..... хавсралт

АМБУЛАТОРТ ХИЙГДЭХ МЭС АЖИЛБАРЫН ХЯНАЛТЫН ХУУДАС ХӨТЛӨХ ЖУРАМ

Зорилго :

1. Амбулаторт хийгдэх мэс ажилбарын чанар, аюулгүй ажиллагааг нэмэгдүүлнэ.
2. Амбулаторт хийгдэх мэс ажилбарын хүндрэлээс сэргийлнэ.

Хяналтын хуудсыг хөтлөх зарчим:

- Амбулаторт хийгдэх мэс ажилбарын хяналтын хуудсыг их эмч бөглөнө.
- Үйлчлүүлэгчийн амин үзүүлэлтийг боолтын сувилагч мэс ажилбарын өмнө ба дараа үзэж тэмдэглэнэ.
- Амин үзүүлэлт хэлбэлзэлтэй тохиолдолд эмчид заавал мэдэгдэнэ.
- Амбулаторт хийгдэх мэс ажилбарын хяналтын хуудас нь 2 хувь байна.
- Эх хувийг амбулаториор эмчлүүлэгчдийн картанд хавсаргаж, 2 дахь хувийг боолтын кабинетэд үлдээж, судалгаанд хэрэглэх ба үнэлгээ хийнэ.

Эрхлэгчийн.... оны... сарын ... өдрийн
..... тоот тушаалын..... хавсралт

АМБУЛАТОРТ ХИЙГДЭХ МЭС АЖИЛБАРЫН ХЯНАЛТЫН ХУУДАС

Эмнэлгийн нэр
Тасаг, кабинетийн нэр
Овог..... Нэр..... нас..... хүйс.....
Регистерийн дугаар
Тогтмол хаяг:
Ажлын газар:
Эмчид үзүүлсэн он..... сар..... өдөр
Өвчин эхэлсэн он..... сар..... өдөр
Явуулсан эмнэлэг:
Мэс ажилбар хийх үндэслэл /Онош/

Мэс ажилбарын өмнө	Мэс ажилбарын дараа
Даралт.....	Даралт.....
Судасны лугшилт.....	Судасны лугшилт.....
Амьсгал.....	Амьсгал.....

Мэс ажилбар хийхийг зөвшөөрсөн эмчлүүлэгчийн гарын үсэг.....

Мэдээгүйжүүлгийн хэлбэр:

Мэс ажилбар эхэлсэн цаг.....мин Дууссанцагмин

Мэс ажилбар хийсэн нийт хугацаацаг.....мин

Мэс ажилбарын тэмдэглэл:
.....
.....

Үйлчлүүлэгчид өгсөн зөвлөгөө:

1.

2.

Мэс ажилбар хийсэн эмч /

Тусласан эмч /

Боолтын сувилагч /

Жич: Эмч хувийн тамга дарна

Эрхлэгчийн.... оны... сарын ... өдрийн
..... тоот тушаалын..... хавсралт

СЭРЭЭХ ӨРӨӨНИЙ ЖУРАМ

- Хагалгаанаас гарч ирсэн эмчлүүлэгчийг мэдээгүйжүүлгийн картны хамт хүлээж авна.
- Сэрээх өрөөнд орсон цаг минут тэмдэглэнэ. Сэрээх өрөөний бүртгэлийн журналд амин үзүүлэлтүүдийг тэмдэглэнэ эмчээр баталгаажуулна.
- Цус,цусан бүтээгдэхүүний протоколыг стандартын дагуу сувилагч хөтлөн, эмчлэгч эмч болон жижүүрийн эмч хянан баталгаажуулан баримжуулна. Цус, цусан бүтээгдэхүүн хийж дуусаагүй бол тасаг руу шилжүүлэхдээ тасгийн сувилагчид хүлээлгэж өгөх.
- Эмчлүүлэгч болон түүний ар гэрийхэн, асран хамаалагч нартай эелдэг найрсаг харилцана.
- Эмнэлгийн тусгай хог хаягдлыг стандартын дагуу ангилан, устгаж баталгаажуулна.

Сэрээх өрөөнд байх тоног төхөөрөмжийн жагсаалт

№	Тоног төхөөрөмжийн нэрс	Байх ёстой тоо ширхэг
1	Ор	1
2	Унтуулагын аппарат	1
3	Монитор	1
4	Дуслын памп	1
5	Шахуургын памп	1
6	Хүчилтөрөгч	1
7	Штатив	1
8	Яаралтай тэргэнцэр	1

9	Дефибрилятор	1
10	ЭХО	1
11	Зүрхний бичлэг хийх аппарат	1

Эрхлэгчийн.... оны... сарын ... өдрийн
..... тоот тушаалын..... хавсралт

МЭС ЗАСЛЫН ӨМНӨ ӨВЧТӨНГ ШАЛГАХ ХУУДАС

Өвчтөний овог нэр..... Нас..... Хүйс
Өвчтөний түүхийн дугаар..... Жин/Өндөр..... Тасгийн нэр.....
Мэс засалп орох төлөвлөсөн өдөр
Мэс засалд орсон өдөр Цаг.....
Мэс заслын нэр

	Шалгах үзүүлэлт	Хэн шалгах	
		Хэвтэн эмчлүүлж буй тасаг	Мэс засал эхлэхийн өмнө
1	Мэс заслын зөвшөөрөл авсан эсэх	Тийм/Үгүй	Тийм/Үгүй
2	Цус цусан бүтээгдэхүүн сэлбэх зөвшөөрлийн хуудас	Тийм/Үгүй	Тийм/Үгүй
3	Мэс засал хийх талбай тэмдэглэсэн эсэх	Тийм/Үгүй	Тийм/Үгүй
4	Мэс заслыг өвчтөнд танилцуулсан эсэх	Тийм/Үгүй	Тийм/Үгүй
5	Өвчтөн харшилтай эсэх	Тийм/Үгүй	Тийм/Үгүй
6	Мэс заслын өмнөх өвчин намдаалт	Тийм/Үгүй	Тийм/Үгүй
7	Хоол сойсон эсэх	Тийм/Үгүй	Тийм/Үгүй
8	Шээлгүүр / Шаардлагатай бол /	Тийм/Үгүй	Тийм/Үгүй
9	Мэс заслын өмнөх шинжилгээ	Тийм/Үгүй	Тийм/Үгүй
10	Мэс заслын үед нэмэлтээр хэрэглэх тоног төхөөрөмжийн нэр		
11	Мэс заслын хүрц		
12	Мэс заслын ширээ	Тийм/Үгүй	Тийм/Үгүй
13	Өвчтөний байрлал		

14	Шаардлагатай багаж бэлтгэгдсэн эсэх	Тийм/Үгүй	Тийм/Үгүй
15	Шарханд урсгуур гуурс шаардлагатай эсэх	Тийм/Үгүй	Тийм/Үгүй
16	Мэс заслын өмнөх антибиотик	Тийм/Үгүй	Тийм/Үгүй
17	Мэс заслын дараах эмчилгээ		
18	Бусад		

Мэс заслын эмч нар:

Мэс заслын сувилагч:

Мэдээгүйжүүлэгийн эмч:

Мэдээгүйжүүлэгийн сувилагч:

Он.сар.өдөр

Эрхлэгчийн.... оны... сарын ... өдрийн
..... тоот тушаалын..... хавсралт

АМБУЛАТОРЫН МЭС АЖИЛБАРТ ХЭРЭГЛЭГДЭХ ЗҮЙЛС

№	Бүлэг	Худалдааны нэршил	Олон улсын нэршил	Эмийн хэлбэр	Байвал зохих хэмжээ
1	Мэдээгүйжүүлэх эм	Лидокайн	Lidocaine hydrochloridum	1%-2мл ампул	10ш
2		Новокайн	Procaine	0,5%-100мл	1ш
3	Шарханд анхдагч цэгцлэлт хийх	Малгай	Малгай		5ш
4		Маск	Маск		5ш
5		Ариун бээлтий	Ариун бээлий		5ш
6		Тариур	10,20,50 мл		5ш
7		Оёдлын утас	Викрил	№ 0,1,2,3,4,5	10ш
8		Мэс заслын хутганы ир	Мэс заслын хутганы ир		5ш
9	Шарх цэвэрлэх ,угаах уусмал	Тамедин	Тамедин	7,5%-300 мл	1ш
10		Тамедин	Тамедин	2,5%-300 мл	1ш
11		Перкис	Перкис	100 мл	2ш
12	Ариун материалууд	Самбай	Самбай		5 боодол
13		Самбайн бөмбөлөг	Самбайн бөмбөлөг		5боодол
14		Уян бинт	Уян бинт		5ш
15		Наалдуулагч наалт	Наалдуулагч наалт		5ш
16	Багажны иж бүрдэл	Буглаа нээх иж бүрдэл	Буглаа нээх иж бүрдэл		2ш
17		Шархны анхдагч	Шархны анхдагч цэгцлэлт хийх иж бүрдэл		2ш

		цэгцлэлт хийх иж бүрдэл			
18		Боолт хийх иж бүрдэл	Боолт хийх иж бүрдэл		2ш
19		Оёдол авах иж бүрдэл	Оёдол авах иж бүрдэл		2ш